

MINISTARSTVO ZDRAVSTVA ZENIČKO-DOBOJSKOG KANTONA

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Sl. novine FBiH“, broj: 12/03, 34/03 i 65/13), člana 23. stav 1. tačka e), u vezi sa članom 3. i članom 15. Odluke o utvrđivanju Standarda i kriterija Vlade Zeničko-dobojskog kantona za imenovanja/nominiranja na upražnjenu poziciju u reguliranim tijelima Zeničko-dobojskog kantona („Sl. novine Zeničko-dobojskog kantona“, broj: 4/15, 7/15, 11/16 i 5/23), u postupku izbora i imenovanja jednog člana Upravnog odbora Zavoda zdravstvenog osiguranja Zeničko-dobojskog kantona, iz reda zdravstvenih radnika, Ministarstvo zdravstva Zeničko-dobojskog kantona objavljuje

JAVNI OGLAS

za izbor i imenovanje jednog člana Upravnog odbora Zavoda zdravstvenog osiguranja Zeničko-dobojskog kantona, iz reda zdravstvenih radnika

Objavljuje se javni oglas za izbor i imenovanje jednog člana Upravnog odbora Zavoda zdravstvenog osiguranja Zeničko-dobojskog kantona, iz reda zdravstvenih radnika.

U skladu sa članom 101. stav 2. Zakona o zdravstvenom osiguranju („Sl. novine FBiH“, broj: 30/97, 7/02, 70/08, 48/11, 36/18 i 61/22) upravni odbor kantonalnog zavoda zdravstvenog osiguranja se sastoji od 9 (devet) članova i to:

- 3 (tri) člana iz reda osiguranika zdravstvenog osiguranja,
- 2 (dva) člana iz reda poslodavaca,
- 4 (četiri) člana iz reda zdravstvenih radnika.

Opis pozicije

Upravni odbor Zavoda obavlja poslove propisane članom 103. Zakona o zdravstvenom osiguranju i članom 18. Statuta Zavoda zdravstvenog osiguranja Zeničko-dobojskog kantona („Sl. novine Zeničko-dobojskog kantona“, broj: 11/16 i 9/19).

Mandat Upravnog odbora Zavoda traje 4 (četiri) godine, uz mogućnost ponovnog imenovanja.

Predsjedniku i članovima Upravnog odbora Zavoda pripada naknada za rad u Upravnom odboru Zavoda, u skladu sa članom 1. stav 1. tačka a) Odluke o visini naknade predsjednicima i članovima upravnih odbora kantonalnih zdravstvenih ustanova i Zavoda zdravstvenog osiguranja Zeničko-dobojskog kantona („Sl. novine Zeničko-dobojskog kantona“, broj: 7/15).

Opći uvjeti za imenovanje

Kandidat za imenovanje u Upravni odbor Zavoda obavezan je ispunjavati sljedeće opće uvjete:

1. da je državljanin Bosne i Hercegovine,
2. da je stariji od 18 godina,
3. da nije otpušten iz državne službe kao rezultat disciplinske mjere (bilo na nivou države ili entiteta) u periodu od tri godine prije dana objavljivanja oglasa za navedenu poziciju,
4. da se na kandidata ne odnosi član IX. 1. Ustava Bosne i Hercegovine,

5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine („Sl. novine FBiH“, broj: 12/03, 34/03 i 65/13),
6. da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji Bosne i Hercegovine („Sl. novine FBiH“, broj: 70/08),
7. da nema privatni i/ili finansijski interes u Zavodu zdravstvenog osiguranja Zeničko-dobojskog kantona,
8. da nije osuđivan za krivično djelo nespojivo sa imenovanjem na poziciju u upravni odbor Zavoda, pet godina od dana pravosnažnosti presude, isključujući vrijeme zatvorske kazne,
9. da kandidatu nije izrečena zaštitna mjera zabrane obavljanja aktivnosti, tri godine od dana pravosnažnosti odluke o izrečenoj zaštitnoj mjeri.

Posebni uvjeti za imenovanje

Kandidat za imenovanje u Upravni odbor Zavoda obavezan je ispunjavati sljedeće posebne uvjete:

1. VSS (VII stepen) stručne spreme, dokaz o završenom visokom obrazovanju, odnosno prvog (najmanje 240 ECTS bodova) drugog ili trećeg ciklusa Bolonjskog sistema studiranja ekonomskog, pravnog ili zdravstvenog smjera,
2. najmanje 5 godina radnog iskustva u struci iz tačke 1. „Posebnih uvjeta za imenovanje“,
3. da nije član upravnog ili nadzornog odbora, odnosno odbora za reviziju u više od jednog privrednog društva,
4. komunikacijske i organizatorske sposobnosti,
5. sposobnost tumačenja ekonomskih, tehnoloških i pravnih analiza i propisa,
6. rezultati rada ostvareni tokom poslovne karijere posebno u oblasti zdravstva i zdravstvenog osiguranja.

Dokazi

Prijava na javni oglas treba biti potisana od strane kandidata i treba da sadrži: kraću biografiju, adresu, kontakt telefon kandidata

Kandidati su obavezni uz prijavu na javni oglas dostaviti originalne dokumente ili ovjerene kopije tih dokumenata, kao dokaz o ispunjavanju općih i posebnih uvjeta i to:

1. univerzitetsku diplomu,
2. uvjerenje o državljanstvu (ne starije od 6 mjeseci) ili ovjerenu kopiju lične karte,
3. dokaz o radnom iskustvu na poslovima svog stručnog zvanja,
4. ovjerene izjave iz tačke 3. 4. 5. 6. i 7. „Općih uvjeta za imenovanje“ i tačke 3. „Posebnih uvjeta za imenovanje“ i
5. uvjerenje nadležnog suda da kandidatu nije izrečena zaštitna mjera obavljanja aktivnosti tri godine od dana pravosnažnosti odluke o izrečenoj zaštitnoj mjeri.

Dokaz da kandidat nije osuđivan za krivično djelo, nespojivo sa imenovanjem na poziciju člana Upravnog odbora Zavoda, pet godina od dana pravosnažnosti presude, isključujući vrijeme zatvorske kazne (tačka 8. „Općih uvjeta za imenovanje“), Ministarstvo zdravstva će zatražiti od kandidata kojeg ministar Ministarstva zdravstva predloži za konačno imenovanje.

Sa kandidatima koji uđu u uži izbor komisija će obaviti intervju. Prije intervjua kandidati su obavezani popuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja.

U skladu sa članom 16. Zakona o ministarskim, vladinim i drugim imenovanjima Federacije Bosne i Hercegovine, zainteresirana stranka može podnijeti prigovor na konačno imenovanje. Prigovor se podnosi Ministarstvu zdravstva u roku od 7 dana od dana dostavljanja obavijesti kandidatu o izvršenom konačnom imenovanju, a kopija prigovora se dostavlja Ombudsmenu za ljudska prava Bosne i Hercegovine.

U skladu sa članom 15. Zakona o ministarskim, vladinim i drugim imenovanjima Federacije Bosne i Hercegovine, lični podaci o podnosiocima prijava su tajni i mogu se prikupljati i obrađivati samo u skladu sa Zakonom o zaštiti ličnih podataka Bosne i Hercegovine („Sl. glasnik BiH“, broj: 49/06, 76/11 i 89/11).

Prijave sa traženim dokumentima se dostavljaju lično ili poštom na adresu: **Zeničko-dobojski kanton – Ministarstvo zdravstva, Kučukovići br. 2. 72000 Zenica, sa naznakom: „PRIJAVA NA JAVNI OGLAS ZA IZBOR I IMENOVANJE JEDNOG ČLANA UPRAVNOG ODBORA ZAVODA ZDRAVSTVENOG OSIGURANJA ZENIČKO DOBOJSKOG KANTONA, IZ REDA ZDRAVSTVENIH RADNIKA – NE OTVARATI“.**

Javni oglas će biti objavljen na službenoj internet stranici Zeničko-dobojskog kantona, dnevnom listu „Dnevni avaz“ i „Službenim novinama Federacije Bosne i Hercegovine“.

Rok podnošenja prijava na javni oglas je 15 dana i počinje teći narednog dana od dana objavljivanja javnog oglasa u „Službenim novinama Federacije Bosne i Hercegovine“.

Neblagovremene i nepotpune prijave neće se razmatrati.

